



DEO OPTIMO MAX.  
UNI ET TRINO,

VIRGINI DEI-PARÆ, ET S. LUCAE  
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS  
manè discutienda in Scholis Medicorum, die Jovis primâ mensis  
Martii, anno Domini M. DCC. LIII.

M. JACOBO-FRANCISCO LATIER, Doctore Medico;  
Præside.

*An toti Œconomia animalis præsent Mechanicæ Leges Physicis Experimentis  
detegenda?*

I.



ORPORIS animati Œconomia his rebus exquisitis  
est quàm simillima, de quibus quantumlibet meditatis (a)  
facilius asseras quid non sint, quàm quid sint (b). Natura  
operandi normam solis ingenii viribus assequi  
frustra conaris: illius secretorum indagator, ni viam  
sensibus (1) exploret, premit littus iniquum. Observanti Natura

(a) Baglivii præfat.

(b) Cicero, de nat.  
deor., lib. 1, n.º 60.

(1) A sensibus tanquam à certis internunciis stabilita fuerunt disciplinarum principia, è quibus demùm perfecta  
omnis humana cognitio ducta derivataque est. Ternel. Phys. Invenies primis ab sensibus esse creatum  
notitiam veram . . . Lucr. lib. 1.

A

suas dicitur leges. Hinc Harveus fretus unice sensibus abscondita in medium feliciter protulit. Galenus consultâ suâ notionum speculatione vix ullam Physiologiâ luminis scintillulam affuderat. Omnem is corporum actionem quatuor qualitatibus primariis explicans, inde quatuor elementa constituit; his respondentibus humores quatuor sicut & humorum quatuor gradus in corpore humano inesse sancivit; è qualitatibus denique actione & elementorum mixtione conflata temperamenta deprompsit: quibus insuper, facultates concoctrices, altrices, expultrices, &c. qui mente junxerit, Physiologiâ summam habebit Galenicâ. Quâdam huic simplicitate nitenti tota ac diu astipulata est antiquitas, sed quàm precario! Natura sui juris est. Galenus verò axiomatibus Naturam subservire voluit; non autem axiomata Naturæ conformia erexit (c). Unde *qualitates & temperamenta* pro inscitia alylo habuere Chemicistæ. Hos Galenistarum placita amaribus salibus suffundentes (d) Orbis admirabundus plausu coronavit; felicioris theoriæ spes tum affulgebat. Ex his insigniores (e) cùm arte suâ violentissimâ è Naturæ sinu nova corpora novasque motuum species extrussissent, his similia in corpore humano obtineri, ut quod certissimum, asseruerunt. Rejectis in nihilumque repulsis elementis, falsa omnis generis & sulphura, imò pro facultatibus occultis salium conflictus & effervescentias, supposuere. Archeus Faber Helmontii calidum innatum depulit sicut & Dolei Lemures calorem concoctrice. In ventriculo humano tanquam in ollâ hermeticâ alimenta fermentationis opere acidum solvit. In corde spiritus vitalis è sulphureis falsisque particulis conflatus sanguinem affusum expandit pulverisque pyrii more ipse exploditur. Idem in flexuosis cerebri sinibus quod in distillationibus per alembicos. Præter hæc sal condians sanguinem, ne putrescat, balsamum quo vigeat vita, pluraque similia nil mortale sonantia quæ nihilominus dierum caries delevit, præterimus. Non inquirere vacat omnia ex hoc fonte derivantia, nova quidem, sed totidem paradoxa falsâ veri specie commendata. Delicatissimam enim corporis humani compagem, illiusque humores blandissimos operosis Chemicæ artificii impares esse quis inficiabitur nisi præjudicata semel opinio? Chemicorum corypheus est ipsemet auctor sanguinem non constare illis partibus in quibus Chemicia illum resolvit, adeoque non operari per principia Chemicâ: nam admixtis prius separatis non fit sanguis (f). Nequidem mixtionem animale assequi vel imitari Chemicia potest (g). Chemicæ experimenta magis artem quàm naturam sapiunt (h).

(c) Helmontius p. 3.

(d) Præ cæteris Helmontius summus Galeni Osor.

(e) Paracelsus, Helmontius, Tachenius, horumque affectus, Duncanus, Doleus, Grulingius, Sylvius, &c.

(f) Boyleus de sang. hum. appar. p. 12.

(g) Junewerus, consp. chem. pag. 145.

(h) Corporis humani schematismus ab operibus ignis potius confunditur quam eruitur & elucet. Verulam. Bac. nov. org. 339.

**V**ERITATIS via in abscondito latet quam subire paucis datum ; hi (a) sunt genus hominum naturæ simplicioris amantes, paucis addicti principiis, tum & in ratiociniis hinc nectendis parcissimi. Horum doctrina à figmentis aliena corporum vires à mole, figurâ & motu (b) æstimat, scientia (c) ve est motuum qui ex viribus quibuscumque resultant & virium quæ ad motus quoscumque sunt necessariae. Ipsamet ea Medicos luculenter edocet quid sani hominis vita sit. Quæ corpus humanum constituunt solida esse alia, alia fluida, solida à viribus fluidorum, fluida à solidorum viribus (d) moveri : utraque in unum (e) opus aptari miroque motuum certamine temperari : à rapido humorum circuitu per viscera, vitam : ab æquabilitate illius per vasa universa ; sanitatem, emergere, nullus est ferè jam qui ignoret. Imò corpus humanum effingi machinam Statico-Hydraulicam, machinulis quam plurimis refertam, quem effugit illius penetralia lustrantem ? Ibi vectes, hypomochlia, funes, ibi cribra, anthliæ, folles, ibi trochleæ, helices, &c, omnium palàm sunt oculis. Vectes seu lineæ inflexiles ponderibus vehendis accommodatæ è crurum brachiorum maxillæque inferioris ossibus æquè deprehenduntur ac hypomochlia ex ossium eminentiis trochanteribus, patellis, ossiculis sesamoideis quibus annectuntur musculi eâ arte quæ pollicis divini mechanismum copiosè monstrat (f). Cochlearum seu rotularum, circumquas chordæ inflexæ adducunt pondera, ipsæ prostant exemplaria cartilaginea oculorum trochleares, ossæ trochleæ musculi palati motui dicatæ. Nec plus defunt cribra ac filtra ; ubique sparsæ jacent membranæ perviæ ; intestinaque simili arte esse fabrefacta nemini paradoxum. Folles sat innotescunt pulmonibus cognitis. Anthliam prementem cor manifestò repræsentat, quemadmodum ejus musculi helicis speciem. Funium autem vix datur in corpore numeros, musculorum, videlicet, myriades, aut saltem tendonum qui contractionis (g) expertes, funium vices legitime ferunt ; dum musculi suâ decurtatione chordam madefactam (h) apprimè videntur referre. Intima horumcè perspectâ fabricâ elucidabuntur Mechanicæ leges in corpore humano.

## I I I.

**M**USCULUM in plures fibrarum carnearum dispecisci fasciculos, quorum quilibet prisma aut rhomboidem exhibeat ; fibram verò quamque carneam è pluribus aliis fibrillis, in fasciculum contractis, compingi retegat anatome (a). Fibrillæ hæ ultimæ, sibi mutuo unitæ, parallelæ procedunt : super has nervulorum ramuli oblique

(a) Boerhaavius, Bellinus, Pitcairius, Brunnerus, Freindius, Keilii, Hoffmannus, Boerhaavius, Michellotus, Baglivius, Bergius, Halesius, Winslowius, &c.

(b) Effectus certis semper ex certis causis necessarii debent sequi.

(c) Mechanica est scientia virium motricium, quas in mutua corporum actione ac reactione mensurat, ut immutabiles motuum leges tam in elasticis solidis quam in fluidis condant, & inde ad effectus naturæ alios explicandos, usui sint. Hoffm. phys. 47.

(d) Nil aliud in rebus cognoscimus quam earum ad alias relationes, legesque & proprietates virium quæ ex actionibus deregimus. Pitcair. dissertat. de circulo, sang.

(e) Partes corpora tantis consensione inter se conjunctæ sunt ut omnes communiter totius commodis utiturque interserviant, omniumque usus in uno quasi concentu consistant. Fernel. physiol. lib. 5.

Machinarum elegantium partes ita connectuntur ut læsio unius cæterarum motus perturbetur. Id elasticissimè patet in horologis ubi vitio vel unici dentis in rotulâ, regulare totius machinæ depravantur motus.

(f) Nieuventit, Existence de Dieu, p. 23.

(g) Contractionem autem in medio duntaxat musculi exerceri vidit Baglivius, in scoto femore Anatis observantur fibræ in medio musculi, immotis tendinibus, agitari ac crispari, p. 317.

(h) Fibræ intortæ suis componunt fasciculum quarum annuli ab aqueis cuneis dilantantur. Boerll. prop. 46.

(a) Steno Elem. Myol. specim.

(b) Verheyen. Tab.  
2. fig. 10.

(c) Sanguinem suas  
hæc re partes ad mo-  
tum muscularem mon-  
strat impotentia ad  
hunc motum, arteria  
musculi suo contracta.

(d) Multaque per  
trochleas & tympana  
pondera magno  
commovet, Lucret.  
2. lib.

(e) De fibra motu  
pag. 213.

(f) Vires quæ oblique  
trahunt sunt ad vires  
perpendiculares utri di-  
stantie perpendiculares  
à lineis directionum.  
Borell. prop. 14.

(g) Borellus de mo-  
tu anim. prop. 8.

(h) Creator securus  
de virtutis abundantia  
concernentem corpo-  
ris quæsit. Hallerius  
Not. præl. Acad. tom.  
3. pag. 413.

(i) In rebus physico-  
logicis explicandis prin-  
cipaliter ad mobile,  
ad motum, deinde ad  
vias respiciendum esse  
existimamus. Holsin.  
phys. pag. 19.

(k) Cap. 9.

(l) Tentum. de vi  
sord.

(m) Sales hæmatis-  
tique, pag. 14.

excurrunt (b): spatiis denique fibrillarum textus vasculosus inter-  
ponitur, quem præcipuam motûs causam (c) instituit Fabricius  
ab Aquapendente. Fibrillas autem minimas esse totidem vestes, quo-  
rum singula puncta, super sanguinis guttulas, veluti super totidem  
trochleas (d) tracta, superveniente fluidi nervei influxu, tendo-  
nes annexaque tendonibus pondera trahunt, cum Baglivio (e) facile  
crediderim. Quid etenim præstare valeant hi vestes multiplicati à vi-  
ribus machinæ dentatæ penè infinitis, gnare scit Mechanicus; atque  
ingens adeò in bajulo robur, in viro delicatiori adeò debile, minùs  
à fluidi nervei energiâ quàm à valido fibrillarum elatere, rectè de-  
ducit. Sola aperit Mechanica quàm diversæ musculorum vires pro  
insertionis obliquitate (f) ac distantia ab hypomochlio, pro pon-  
deris elevandi situ, absumantur. In corpore humano pondus ac  
potentia in eodem sunt vectis latere; vectes sunt homodromi. In ple-  
risque potentia hypomochlii est quam proxima: hinc impen-  
sa vi-  
rium quàm maxima: hinc non parvâ virtute sed è contrâ immenso  
propemodùm robore, parva pondera movere musculos, præter stolido-  
rum expectata eruit mechanicorum excellentissimus (g). Corporis  
humani perfectio in eo est ut plûs viæ pondus describat (h). Corporis  
alii non inconsulto naturæ lusu; cor musculis suis helicem repræsen-  
tans immensam resistantiam superat. Viscus hoc nobile, quod mo-  
vet (i) omnia ab omnibusque movetur, cerebelli nervorum eget virtu-  
te; hinc causa hîc effectû suo prior, ab eo tamen pendet. De hujus-  
ce viribus Mechanicorum principes parùm attendenti plurimùm inter  
se videntur dissentire, vix tamen dispares, nisi quòd rem eandem viâ  
diversâ sint persecuti. In corde vim absolutam duplicem excogitavit  
Borellius (k), alteram, cujus impen-  
sa sit maxima; hanc quippè  
perpensis omnibus vesicularum omnium quibus cordis fibrilla con-  
flari autumat, momentis, librarum 3000 fieri supputavit. Vim al-  
teram dispendii minoris, spectans ad fibrillarum duntaxat numerum,  
veluti singulæ vesiculâ unicâ instruerentur, ad masseterum simul ac  
crotaphitarum vires accedere æstimat: utpotè huic centum quin-  
quaginta librarum pondus movendi potentiam largitur. Nec profe-  
ctò à vero aberraret sagacissimus auctor si singulâ systole totâ suâ  
vi musculari cor sese contraheret. Keillius (l) vim cordis ponderi  
cylindri sanguinei cujus basis æquatur orificio, æqualem statuit:  
at ea vis, computante Halesio (m), est solummodo pars illius quâ  
totum cor contrahitur. Vim ideò cordis absolutam quæsisse non vide-  
tur Keillius, Expertissimus demùm Halesius ad scopum, omnium

quàm proximè accessit, non à priori, uti Borellius, sed ab effectibus vim cordis absolutam investigans. Pluribus experimentis in equo factis columnam sanguinis è lectâ arteriâ per tubum proflientis à ventriculo cordis sinistro, ad novem pedum altitudinem vidit sustineri. Quo dato, subductoque calculo, columnam septem pedum altam à sinistro, cordis humani thalamo superari deducit. Et totiùs exindè cordis vim explicat actionis & retroactionis fluidorum lege fretus. Toties sumatur columnæ prementis pondus quoties interior thalami sinistri superficies orificium aortæ superat; si aortæ orificium septem pedum columnam sustineat, vis idèò ventriculi totalis quinquaginta librarum pondus circiter superabit & utriusque ventriculi potentia centum & duas libras æquabit. Et sanè centum & quinquaginta libras æquaret, si ad summam vim quâ potis est cor promoveretur. Manet idcirco una Borelli ac Haleji consensus. Hic operæ quidem pretium esset cordis motûs causam (n) altius inquirere, nisi recondita nimis lateret: multorum hæc sæpè sæpiùs mentes exercuit in vanumque defatigavit.

## I V.

**D**ATO eo machinarum apparatu harumque perpensis functionibus, planum jam evadit corpus humanum maximâ sui parte solidorum staticâ regi. Mox æquè constabit illius fluida alteri Mechanices famulæ Hydraulicæ, nimirum, parere. Complectitur ea liquorum leges juxta quas fluida intra canales conicos vel cylindricos aguntur. In vasis convergentibus liquidorum impetus in latera vasorum impenditur eò magis quòd lumen fit angustius: in divergentibus cum lumen sit perpetuò latius, fluidi moti velocitas minùs ac minùs deperditur (a). Hæc ad corporis humani vasa posse converti, liquidaque in arteriis veluti in conis convergentibus: in venis tanquam in divergentibus ad Hydraulices normam illabi indubium. At in his, monente Boerhaavio, (b) ratio primò habeatur uniuscujusque humoris, quoad singularem illius indolem & hinc unicè pendentes actiones, prout per omne genus experimentorum innotescere potest. Sanguis in animale vivente utique fluidus est, ar suam fluiditatem (c) à motu suo progressivo mutuatur. In illius latrice aquoso fluida glutinosa, alia aliis validiora innatant, quibus elasticum non glutinosum interseritur confusum. Cuique singulari moleculæ sua est moles, figura & specifica gravitas, & cuique suum momentum quo in concretionem tendit unâ cum homogeneis. Sphærica sanguinis moleculæ, ut flexiles, dum in vasorum parietes irruunt, sunt ovales, juxta superficies latissimas vasorum latera per-

(n) Anima autem, quidquid crepitent Sciliani, principium id excellentius machinæ nostræ insitum, cui motus spontanei seu animales videntur obtemperare; in vitalibus ac naturalibus perturbandis, non verò regendis, potentia duntaxat insituit.

(a) Aquæ fluxum per angustiores aperturas magis quam per ampliores retardari pronuntiavit Mariottus.

(b) Indit. n.º. 41.

(c) Piscium exemplo, quorum sanguis frigidus est & fluidus, calorem non primariam esse habendam fluiditatis causam, curâ pluribus autumat.



tingunt, multum frictionis eadem perpeſſæ tardiùs eunt, nec in oppoſitum latus angulo incidentiæ æquali reſiliunt. Aquam elabi eadem velocitate è canaliculo plicato quâ effluit ex eodem recto evincitur ex accuratiſſimi Mariotti (*d*) obſervatis. Experimenta igitur quæ ex aquâ, liquore minimè glutinoſo, & in canali ubiquè amplo & rigido fiunt, non omnes eoſdem pollicentur effectus in corpore humano ubi viſcidi ſunt humores, vaſa flexilia, inæqualia, & ubi tubulorum convergentia (*e*), cum magnâ omnium diametro conjungitur. De fluidis tenacibus ac compreſſilibus hætenùs ſiluit Hydraulice. Motûs retardationes ab aſperitatibus vaſorum, curvaturis, plicaturis nullus ritè computavit. Frictionum efficaciam in ſolidis tertiam ponderum partem æquare æſtimarunt quidam Mechanici eximii (*f*); ſed in arteriis liquidum frictionem patitur pro ſuperficie quâ vaſorum parietibus adhæret. Ecquis inde calculum ſubducet velocitatis ſanguinis à vi cordis, alternis vicibus, ſed uniſormiter (*g*) progredientis? Magnitudo vaſorum vel ratio truncorum ad ramos nuſquam eſt conſtans, humorum quantitatem ac præprimis denſitatem in ſtatu naturali hominis vivi ignoramus. Tametſi liquorum animalium motibus (cùm proprietates corporibus communes & quæ indè certò pendent in his locum habeant) (*h*) præſit mechanice, (*i*) in his intricatiſſimis actionibus ea eſt legum ſimpliciorum complicatio, ut hanc evolvi quidam deſperarint. Sed deſidioſi eſt nil agendo ſemper deſperare. Circà fluidorum indolem multa jam peregrina retexit (*k*) & commemoravit Boyleus (*l*). Humorum animalium Hygroſtatica imperfecta jacet tantummodò obſervationum inopiâ. In huius augmentum omnis lapis eſt movendus & quocumque labore. Veritas eſt temporis filia. Veniet tempus in quo iſta quæ nunc latent, in lucem dies diſtrahet ac longioris ævi diligentia (*m*).

V.

**P**RISCORUM mæandros ſedulò declinantes, veſtigiis Mechanices inceſſimus. Ubi verò ejus lumen, noſtris lippientibus oculis, non ſat ſplendeat ut certò pede in viâ ad veritatem rectâ pergamus, tum ad alteram, ſed illi maximè affinem, ſcientiam confugere cogimur. Quam quidem eò lubentiùs ſectamur in caſtra aliena non transfugæ ſed exploratores facti, quod eâ duce ad Mechanicem revertendi ſpes integra ſit. Illa Phyſices (*a*) experimentalis nomen ſortita vires ac proprietates à peculiari corporis alicujus indole ortas recenset, apparitiones à ſenſibus quibuſcumque apprehenſas obſervans, aurum v. g. ſolvi à mercurio, idemque aquâ de-

(*d*) Mouvement des Eaux pag. 45.

(*e*) Tametſi arteriolarum diametri, ſimul ſumptæ, ſunt diametro mortæ majores, arterioſum ſyſtema habet aſſectiones conſiſcentes ac reſiſtentias canalibus elatiſci. Michellotus de ſepar. fluid. p. 55.

(*f*) Des Amontons. Varignon. Mem. Acad. 70.

(*g*) Nunquam ſubſiſtit ſanguis in arteriis, continua eſt ſilitio. Hales. Hæmaſt. p. 12.

Motus in arteriis eſt continuus ſed in dyſtole acceleratur. Bozell. cap. 16.

(*h*) Boerhaav. chem. tom. 1. pag. 28.

(*i*) Elementum fluidi eſt ſolidum, ſi aliquid agit per eas leges quibus ſoliſia aguntur & actio totius eſt ſumma actionum molecularum ſingularum. Boerh. pielect. Acad.

(*k*) Retexit & Hermannus, quam plurima. in Phoronom.

(*l*) Exemplo clavis & ſerræ in quibus ad eò ſingularis agendi potestas, efficaciffimam poteſtatem ex merâ figura ingredientis & admittentis conſci videt Boyleus.

(*m*) Senec. quaſt. natur. lib. 7.

(*a*) Cauſas Phyſicas ſas appellere ſoleo quantum mechanifmus eſt occultus: eſſi omnes Phyſicæ in ultimâ reſolutione ad mechanicas redeant. Leibnitz in Epiſt. ad Michel.

cies novies esse gravius declarat. Scientia hæc succi gastrici proprietatem retegens, Naturæ pensum in concoctionis opere propemodum exprimit. Chyli materia in eduliis delitescit (b) recondita, hoc neminem latet; illius, aëris interserui expansione, effringantur receptacula, spontè fluit chylacea materies in liquamen, emulsiōni consimile, à succo gastrico solvenda. Quorsum huic solutioni conferat liquor gastricus, Physico liquet in eo deprehendenti virtutem saponaceam quâ oleosâ & aquosâ alimentorum molecularum in humorem humoribus nostris affinem convertuntur. Solvens in hac solutione cum suo soluto in unum fluidum coeunt. Ibi facit sapo quod aqua nequit, quod oleo negatur id præstat, efficit tutò quod salia cum periculo (c). Quâ autem molecularum mole, quâ figurâ quibusve motuum viribus peragatur solutio hæc in menstruo saponaceo, Mechanici nondum comperere. Physica etiam alter erit Physiologiæ oculus, quo juvante secretionum operam rimari annitemur. Improspere admodum successu Geometræ quidam poristæ (d) circa easdem sese exagitarunt. Rotundas, quadratas, triangulares &c, in sanguine molecularas, necnon vasorum oscula diversimodè figurata molecularisque accommodata, mente tantum ac suspitione illos attigisse reclamant autopsia, reclamant inconcussam id theorema; *fluida ubicumque premunt ad perpendiculum superficiem cui insistant.* Quo telo armatus, poristarum vindices Pitcarnius debellat: eoque solo invictè probat vasorum secretoriorum oscula spharoidèâ figurâ necessariò concitari. Ad huius mentem vascula diametro inter se disparia, molecularum crassitie diversæ veriùs ac simplicius secretiones consciunt. Eo quidem tentamine veritatis limina salutavit præclarus Mechanicus. Sed quibilibis, quâ semen humoresque alii in secretoriis fluidissimi ac lenes, in ductibus excretoriis acres, spissiores, ita immutentur ut his congeneres in sanguineâ scaturigine, è quâ defleantur omnes, nulli possint indigitari, vix idem habet compertum. Innuit apprimè hinc Michelotus; ejusmodi problema illius esse indolis ut secundum omnes suas partes per causas Mechanicas vix solvi possit (e). At nodos tamen quasi extricavit Boerhaavius; plures ille vires Physicas recolligens, iisdem fluida ad definitam densitatem ac colorem (f) compingi statuit. Morâ, scilicet, calore, partis tenuissimæ exhalatione, alterius affusione fluida utilia inutiliave, extrâ sanguinis rivis propulsa, has experiuntur mutationes quæ secretorum diversitatem perpetrant. Principiaque hæc sint filum Ariadneum quo è Dædaleis secretionum functionibus emergere detur Physicis, hæud salutari Chemiâ. Ex memoratis quantum emolumenti Physica

(b) In farinis, cerevisiâ ac vino, globulæ rarioræ, quales in chylo deprehendit Lewenoeus. arc. natur. & epist. exper. phyt.

(c) Boerh. chem. torn. 2.

(d) Catherinus, Guelminus, &c.

(e) Michel. de seppar. fluid. pag. 39.

(f) Phlegma cum viridum sicut & mucum natum, materiam verè fuisse ipsos sanguinis globulos, qui brevi tempore ex rubro in viridem colorem degeneraverunt, firmiter statuo. Lewenoeus. Epist. phyt. 46.

experimentalis compareret Physiologiæ quis dubitet? Totam rationā-  
lis Medicinæ certitudinem à Mechanicâ decerpi evidens. Sed novo  
experimentorum promptuario constituere motuum leges allaborent  
Mechanici, tum ex phænomenis motuum vires naturæ investigare, &  
per has vires revocando Physicam ad mechanicam, phænomena re-  
liqua demonstrare connitantur (g). Quid moliatur Natura in fun-  
ctionibus suis vitalibus (h) ac animalibus (i) plerisque, minutim &  
luculenter adumbrarunt Mechanici. E congestis Physicis observatis  
(k) pluribus functiones naturales omnes, etiam per obscuras, ne ge-  
neratione quidem exceptâ, dilucidè explanabunt. At viscera desunt  
ait Verulamius, (l) rationes nempe Physicæ ex quibus eruetur  
Mechanice. Est enim Mechanice instar pyramidis cui observata Phy-  
sica tanquam basis substernuntur; his datis ritèque pensatis, inno-  
tescent demùm motus simplices qui ex penetralibus Naturæ verè  
prodeunt: quique complicati, continuati, alternati, frænati, re-  
petiti & multis modis aggregati, motus compositos, seu summas  
motuum, quales generatio, alteratio, accretio, constituunt. Cùm  
denique consuet omnes effectus actionum corporis humani revocari posse ad  
motus determinatos, & ad immutationem assumptorum (m); alia igitur ex  
aliis neçtentes quamplurimâ complexione concludimus.

*Ergò toti Economie animali præsunt Mechanica Leges Physicis Experimen-  
tentis detegendæ.*

## DOMINI DOCTORES DISPUTATURI.

M. Anna-Carolus Lorry.

M. Dionysius Pantier de La-  
breville.

M. Henricus Besnier.

M. Bernardus - Nicolaus Ber-  
trand, Scholarum Professor.

M. Jacobus-Laurentius Mau-  
roy.

M. Joannes Besse, Dotaria His-  
paniarum Regina, dum vi-  
veret, Medicus Primarius.

M. Stephanus-Ludovicus Geof-  
froy,

M. Natalis-Andreas-Joannes-  
Baptista Chesneau.

M. Antonius de Jussieu, Regi à  
Consiliis & Secretis, Regia  
Scientiarum Academia, Re-  
giarumque Societatum An-  
glia & Prussia Socius, Bota-  
nices in horto Regio Professor  
ac demonstrator.

Proponebat Parisiis JOANNES-BAPTISTA HATTÉ, Atrebas, Sa-  
luberrimæ Facultatis Medicinæ Parisiensis Baccalaureus, Theses Auctor,  
A. R. S. H. 1753, A SEXTA AD MERIDIEM.

Typis Viduæ QUILLAV, Universitatis & Facultatis Medicinæ Typographi, 1753.

(g) Michel, de fe-  
par. fluid. 163.

(h) De vitalibus egi-  
mus in 4<sup>o</sup> Theseos co-  
rollario partim & in  
3<sup>o</sup>.

(i) De animalibus  
egimus in 3<sup>o</sup>; sed sen-  
sibus externis consultò  
prætermisiss, quorum  
nullus non scit mecha-  
nismum.

(k) Ex Anatome  
comparatâ, microscopio-  
rum & injectionum  
subsidio, &c.

(l) De augm. scient.  
pag. 81.

(m) Boerh. inst.  
parag. 695.